

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ODLUKA**

**O PRIHVATANJU ZADUŽENJA PO UGOVORU O ZAJMU IZMEĐU BOSNE I  
HERCEGOVINE I EVROPSKE BANKE ZA OBNOVU I RAZVOJ (EBRD) ZA  
REALIZACIJU  
PROJEKTA ŽIVINICE REGIONALNA DEPONIJA ZA KRUTI OTPAD**

**Sarajevo, oktobar 2019. godine**

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Predstavnički dom Parlamenta Federacije Bosne i Hercegovine na \_\_ sjednici održanoj \_\_\_\_\_ godine i Dom naroda Parlamenta Federacije Bosne i Hercegovine na \_\_ sjednici održanoj \_\_\_\_\_ godine d o n o s i

**ODLUKU  
O PRIHVATANJU ZADUŽENJA PO UGOVORU O ZAJMU IZMEĐU BOSNE I  
HERCEGOVINE I EVROPSKE BANKE ZA OBNOVU I RAZVOJ (EBRD) ZA  
REALIZACIJU PROJEKTA ŽIVINICE REGIONALNA  
DEPONIJ ZA KRUTI OTPAD**

**I.**

Prihvata se zaduženje Federacije Bosne i Hercegovine (u daljem tekstu: Federacija BiH) po Ugovoru o zajmu između Evropske banke za obnovu i razvoj (u daljem tekstu: EBRD) i Bosne i Hercegovine (u daljem tekstu: BiH) za realizaciju Projekta „Živinice regionalna deponija za kruti otpad,“ u iznosu do 5.000.000,00 EUR.

**II.**

Sredstva zajma iz tačke I. ove Odluke koristit će se za realizaciju Projekta „Živinice regionalna deponija za kruti otpad,“ (u daljem tekstu: Projekat). Osnovni cilj i svrha Projekta je da se pomogne Javnom preduzeću Eko-Sep d.o.o. Živinice i Gradu Živinice, Općini Banovići i Općini Kladanj u izgradnji regionalne sanitarne deponije i reciklažnog dvorišta. Implementacija Projekta podrazumijeva planiranje i uređenje zemljišta, izgradnju prostora za transport i rukovanje, pretovarnu stanicu u Kladnju, deponiju, nabavku opreme, vodovodne i drenažne instalacije, instalacije za snabdijevanje električnom energijom, mehaničke instalacije, izgradnju zgrada, arhitektonski projekt - dizajn, izgradnju platoa za reciklažno dvorište, strukturu (pokrov) i relevantne električne instalacije i opremu za plato reciklažnog dvorišta.

**III.**

Sredstva zajma iz tačke I. ove Odluke, odobravaju se Federaciji BiH pod sljedećim uslovima:

- iznos zajma:.....5.000.000,00 EUR-a
- rok otplate:.....15 godina
- grace period:.....3 godine  
(uključen u rok otplate zajma)
- kamatna stopa:.....šestomjesečni EURIBOR plus marža 1% godišnje
- jednokratna provizija:.....1 % na iznos glavnice zajma
- dospijeća:.....polugodišnje u jednakim otplatama glavnice
- provizija na nepovučeni iznos zajma:.....0,5 % godišnje

**IV.**

Potvrđuje se da je razmatrana dokumentacija prihvatljiva za Federaciju, a posebno:

- Nacrt Ugovora o zajmu između EBRD-a i BiH;
- Nacrt Projektnog ugovora između Javnog preduzeća Eko-Sep d.o.o. Živinice i EBRD-a;

- Nacrt Ugovora o podršci projekta između Grada Živinice i Općine Kladanj i Općine Banovići i EBRD-a.

## **V.**

Sredstva zajma iz tačke I. ove Odluke Federacija BiH će preneti na Grad Živinice i Općinu Kladanj i Općinu Banovići, koje su krajnji korisnici i dužnici po ovom Ugovoru o zajmu.

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

## **VI.**

Zadužuje se Federalno ministarstvo finansija - Federalno ministarstvo financija da sa Gradom Živinice i Općinom Kladanj i Općinom Banovići usaglasi i sklopi odgovarajuće Podugovore o zajmu kojim će se, u svrhu redovne otplate, definirati uslovi vraćanja sredstava koja se prenose po osnovu zajma iz tačke I. ove Odluke.

## **VII.**

Daje se saglasnost za zaključivanje Supsidijarnog sporazuma između BiH i Federacije BiH, kao i saglasnost za zaključivanje i usaglašavanje odgovarajućih Podugovora o zajmu između Federacije BiH i Grada Živinice i Općine Kladanj i Općine Banovići, za sredstva zajma iz tačke I. ove Odluke.

Za potpisivanje Supsidijarnog sporazuma i Podugovora o zajmu, ovlašćuje se federalni ministar finansija – federalni ministar financija.

## **VIII.**

Za realizaciju ove Odluke i izvještavanje zadužuju se Federalno ministarstvo finansija – Federalno ministarstvo financija i Grad Živinice i Općina Kladanj i Općina Banovići, svako u okviru svoje nadležnosti.

## **IX.**

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

## **X.**

Ova Odluka stupa na snagu narednog dana od dana objavljivanja u "Službenim novinama Federacije BiH".

# OBRAZLOŽENJE

## I - Pravni osnov

Pravni osnov za donošenje ove Odluke sadržan je u članu 40. stav (4) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav (5) predviđeno je da Vlada Federacije Bosne i Hercegovine nakon prihvatanja nacrta kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

## II - Razlozi za donošenje

Donošenjem ove Odluke stvara se osnov za potpisivanje Supsidijarnog sporazuma između BiH i Federacije BiH, a potom i Podugovora o zajmu između Federacije BiH sa Gradom Živinice i Općinom Kladanj i Općinom Banovići, na osnovu kojeg će Federacija BiH sredstva zajma proslijediti Gradu Živinice i Općini Kladanj i Općini Banovići kao krajnjim dužnicima i korisnicima zajma predmetnog Projekta.

Sredstva zajma koristit će se za finansiranje Projekta „Živinice regionalna deponija za kruti otpad,“. Osnovni cilj i svrha Projekta je da se pomogne Javnom preduzeću Eko-Sep d.o.o. Živinice i Gradu Živinice, Općini Banovići i Općini Kladanj u izgradnji regionalne sanitarne deponije i reciklažnog dvorišta. Implementacija Projekta podrazumijeva planiranje i uređenje zemljišta, izgradnju prostora za transport i rukovanje, pretovarnu stanicu u Kladnju, deponiju, nabavku opreme, vodovodne i drenažne instalacije, instalacije za snabdijevanje električnom energijom, mehaničke instalacije, izgradnju zgrada, arhitektonski projekt - dizajn, izgradnju platoa za reciklažno dvorište, strukturu (pokrov) i relevantne električne instalacije i opremu za plato reciklažnog dvorišta.

## III - Obrazloženje pojedinih tačaka

**Tačka I.** je nužna kako bi se prihvatilo zaduženje Federacije BiH kod EBRD-a

**Tačkom II.** potvrđuje se namjena utroška sredstava zajma.

**Tačkom III.** precizirani su uslovi zajma.

**Tačkom IV.** potvrđuje se da je dokumentacija parafirana tokom pregovora s EBRD-om prihvatljiva za Federaciju BiH, što je uslov da BiH i EBRD pristupe potpisivanju Ugovora o Zajmu.

**Tačkom V.** se definira način implementacije Projekta, te da nije potrebno osigurati dodatna sredstva u budžetu Federacije BiH za ovu namjenu.

**Tačkom VI.** se definira obaveza Federalnog ministarstva finansija da sa Gradom Živinice i Općinom Kladanj i Općinom Banovići usaglasi i sklopi odgovarajuće Podugovore o zajmu.

**Tačkom VII.** daje se saglasnost za zaključivanje Supsidijarnog sporazuma s BiH, Podugovora o zajmu između Federacije BiH sa Gradom Živinice i Općinom Kladanj i

Općinom Banovići i ovlaštenje federalnom ministru finansija da u ime Federacije BiH potpiše iste.

**Tačkom VIII.** u okvirima nadležnosti definira se obaveza za realizaciju Odluke i izvještavanje.

**Tačkom IX.** se potvrđuje da za implementaciju Ugovora o zajmu i projektu nije potrebno donijeti nove ili izmijeniti postojeće zakone.

**Tačka X.** propisuje stupanje na snagu ove Odluke.